

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO / TUŽITELJSTVO TRAVNIK
Broj predmeta: T06 0 KT 0036605 25
Travnik, 17.02.2025.godine

OPĆINSKI SUD U TRAVNIKU

Potvrđena dana 19.02.2025.godine

Na osnovu odredbe člana 45 stav 2 tačka h) i člana 241 st. 1 Zakona o krivičnom postupku Federacije Bosne i Hercegovine, podižem slijedeću;

OPTUŽNICU

Protiv:
S. E.

Što je:

Dana 07.07.2024.godine, u mjestu Počulica općina Vitez, u namjeri pribavljanja protupravne imovinske koristi, lažnim prikazivanjem činjenica doveo u zabludu A. B. i time ga naveo da na štetu svoje imovine preda njemu na ruke novčani iznos od 1.000,00 KM, na način da je nakon što ga je kontaktirao A. B. te se dogovorio s njim da mu izvrši radove na stavljanju fasade na njegovoj kući, tražio kaparu od 1.000,00 KM, svjestan da dogovoreni posao neće izvršiti i da svojim radnjama A. B. dovodi u zabludu i htijući to, koji novac mu je predat na ruke i kom prilikom je sačinjena potvrda o predaji novca, nakon čega se udaljio sa lica mjesta te prekinuo svaku komunikaciju sa oštećenim, a dogovorenu obavezu nikada nije izvršio i otpočeo sa radovima, čime je oštećenom A. B. pričinjena materijalna šteta u iznosu od 1.000,00 KM.

Dakle, u namjeri pribavljanja protupravne imovinske koristi lažnim prikazivanjem činjenica doveo i održavao u zabludi oštećenog da na štetu svoje imovine nešto učini.

Čime da bi počinio kazneno djelo Prijevara iz članka 294 stavak 1 KZ F BiH.

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.